

道光元年歲次辛巳鐫

陽春縣志

省城六書齋錄刻

陽春縣志卷之六

南海龐銘新捐

禮儀 儀制 祀典

化民成俗合通都僻壤無不同風者其必本於禮
教乎夫俗有淳澆民有秀頑澆而返之淳頑而進
於秀非可徒恃政刑也人雖至頑一觀於行禮之
地其尊卑秩然其長幼藹然其登降拜獻雍雍然
暴戾之氣不自知其已戢然則示民嚴上之教固
不疾而速而儀文度數不可以弗講也故茲述儀
制較詳俾春之士肄而嫻之以為四民觀感若夫
禮有五經祀典為重事神以庇民弗懈益虔是在

陽春縣志

卷之六 禮儀

一

長民者

儀制

慶賀禮

恭遇

萬壽聖節是日五鼓文武官各衣朝衣齊赴

萬壽宮朝房肅候朝鼓三通禮生稟請行禮分文東武

西引至丹墀下序班行三跪九叩首禮畢仍回朝

房少坐而退

前後各三日俱穿蟒衣坐班

恭遇

皇后千秋令節及元旦冬至節儀注俱同

惟不前後期坐班

讀

詔禮

恭遇

詔書至縣文武官衣朝衣具

龍亭鼓樂肅迎賚

詔官恭捧

詔書置

龍亭中南向各官北向三跪九叩首衆官及鼓樂前

導賚

詔官隨亭後行至公庭門外衆官先趨八支武東西序

陽春縣志

卷之六

禮儀

二

立候

龍亭至

詔官立

龍亭東西向衆官序班樂作行三跪九叩首禮賚

詔官捧

詔書授展讀官展讀官 受起詣案前宣讀衆官皆跪

宣讀畢仍捧

詔書授賚

詔官

龍亭衆官復行三跪九叩首禮退易 方與賚

詔官行禮

宣講

聖諭禮

每月朔望擇寬潔公所屆期文武官俱至衣蟒衣
序班行三跪九叩首禮退至宣講所席地坐宣講
生詢案前恭捧

上諭宣講軍民人等環列肅聽

耕藉禮

每歲祭以季春亥日巳時祭

先農卽於是日午時行耕藉禮

陽春縣志

卷之六

禮儀

三

祭品

帛一 羊一 豕一 鉶一 籩豆各四

簠簋各二

儀注

承祭官率各官請 先農神位供於壇上乃衣朝
衣禮生引承祭官盥洗就位陪祭官皆就位贊唱
座毛血瘞畢贊引承祭官由東階升至香案前上
香畢 上炷香一
瓣香三 由西階下復位迎神行三跪九叩
首禮興贊唱奠帛行初獻禮詣 神位前跪奠帛
獻爵叩首興詣讀祝位跪衆官皆跪宣祝畢叩首

興復位次行亞獻禮

惟獻爵

次行三獻禮俱如前儀

乃飲福受胙

贊引詣飲福受胙位跪飲福酒受福胙叩首興

復位徹饌送

神行三跪九叩首禮興贊唱捧祝帛恭詣燎所贊

引望燎復位禮畢送神位入祠 午刻各官更蟒

袍行耕藉禮

農具一

赤色

牛一

黑色

籽種箱一

青色

耆

老一人牽牛農夫二人扶犁佐貳官捧青箱雜職

官播種正印官右手扶犁左手執鞭九推九反農

童六人執青旂隨犁進退樂作歌唱耕畢各官更

朝衣望

闕行三跪九叩首禮乃勞耆老農夫賞農童焉

陽春縣志

卷之六

禮儀

四

耕藉歌

聖朝鉅典念農祥吉亥修儀遍遠方率士奉行王制美

共知

天子重農桑

肅肅青壇翠幙張東風萬里布春陽海疆共愜深

耕願早進先農一炷香

悠揚鼓吹出東方父老謹呼擁道旁乍見青紘躬

耒耜預占綠野富倉箱

獵獵青旗貫綠楊珠瓔寶馬自成行手攜嘉種從

容布還似神仙跨五羊

短笠青簑映曉光 夫濟向九

同

沾被遙挹

田雨露香

杏花菖葉漫匆忙海上班春別有方時雨一犁新
社後木棉花赤菜花黃

朝來春水漲橫塘榕樹村中放犢忙趁取炎方禾
再熟新茶未出早分秧

海濱生計重開荒儘把勤勞格

上蒼

鑿蘆洲成沃土漲沙隨處湧村莊

勸農恩禮 尋常竚見郊原歲歲穰南陌東阡

陽春縣志

卷之六

禮儀

五

社鼓羔羊朋酒頌無疆

聖明天子重農桑丹鳳街書到海疆守土良臣宣德意

藉田開處麗春陽

六令清寧時雨腸華星常正驗農桑碧畦繡甸東

郊暖勤勤春耕答

九閩

先農壇畔集鸞鳳擇日占風禮教詳北望

天田陳

御耦青旂高拂五雲光

青原小隊肅分行射木山前草木芳翻土一犁香

土軟田歌傳入水雲

成羣簞笠盡村莊布穀聲中曉氣涼看罷九推歸
去早好乘新雨插新秧

課晴問雨莫嫌忙

黼座方披七月章要使耕夫齊舉趾並教饁婦競提筐
春水初生滿碧塘溉田早卜歲豐穰水車秧馬時
收拾容易嘉禾壓隴長

和風甘雨潤炎方紫荔紅蕉六月香瑞穀生成多
九穗先春玉粒貢

神倉

陽春縣志

卷之六

禮儀

六

逢年爭祝滿倉廂萬寶成時好築場飽喫田中新
熟稻大家擊壤咏陶唐

祝文

乾隆九年部頒

惟 神肇興稼穡粒我蒸民頌思文之德克配

惟 蒼念率育之功陳常時夏茲當東作咸服先疇洪
惟

九五之尊歲舉三推之典某恭膺守土敬念勞民謹奉
爨章聿修祀事惟願五風十雨嘉祥恒沐於 神
庥庶幾九穗雙歧上瑞頻書於大有尙饗

迎春禮

立春前一日各官朝服鼓樂出東郊向勾芒神前一揖三獻酒點睛復一揖迎勾芒神土牛遶城回縣安置頭門內土牛南向勾芒神西向至交春時陳牲醴各官衣朝衣詣勾芒神前三獻酒行三叩首禮畢各執綵仗正印官擊鼓與衆官由東起環鞭春牛者三

救護禮

凡日月食設香案於露臺具金鼓各官衣素服齊集報初虧行三跪九叩首禮正印官擊鼓三聲金鼓齊鳴及復圓鼓乃止各官行三跪九叩首禮

祈禱禮

凡遇久旱縣官齋戒素服詣射木神祠行一跪三叩首禮祝畢復三叩首取水插柳枝回城隍神廟行二跪六叩首禮拜用席設經壇用僧道各官早晚步行至廟進香行三叩首禮得霖雨乃止祈晴則祇行禮於城隍神廟儀注同惟拜用紅氈射木神祠禱雨祝文

附

惟神靈鍾射木德沛春州興雲雨而恩澤惟時祈求必應潤枯槁而蒸民乃粒功德無疆望屏翳之降臨不崇朝而思霈冀元冥之戾止竟五日以

爲霖自非赫濯厥靈曷克豐登有慶茲者翔陽久
曬恒疾首而星馳旱魃頻仍用齋心而露禱伏望
大彰靈爽普惠甘霖蘇我槁苗肉此枯骨某不勝
望切瞻依之至

到官禮

先衣蟒服詣 城隍廟三獻讀祝前後行一跪三
叩首禮畢赴本衙祭儀門如謁 城隍神儀禮畢
入大堂更朝服望

闕謝

恩行三跪九叩首禮畢更蟒袍補服拜印行三叩首禮

陽春縣志

卷之六

禮儀

八

開印置公案再行三叩首禮畢升公座受叅

賓興禮

附載四條

凡賓興之年縣官擇吉設席於公所至期諸生先
赴學宮辭

聖乃赴縣飲餞畢諸生辭由中門出縣官鼓樂送至堂
簾外

凡鄉試中式新舉人歸縣官擇吉設席於縣堂以
鼓樂彩旗彩帳迎入簪花掛紅隨謁

文廟回縣堂宴飲畢仍以鼓樂彩旗送歸

凡舉人赴京會試縣官擇吉設席於公所先期具

書請舉人赴席

凡正貢生員領文赴考取准歸里縣官擇吉請新貢生赴縣堂簪花詣學謁

聖次謁縣官縣官擇吉請宴送旗扁至其家

每歲科兩試黌案到縣縣官諏吉備酒果於堂新生公服入見縣官三揖兩旁坐飲酒簪掛新生復一揖縣官以鼓樂彩旗引赴學宮謁

聖縣官與學官先行三跪九叩首禮次先進生偕新生亦行九叩首禮畢至明倫堂東西序立互行兩拜禮新生向學官再拜次向縣官亦再拜各官答揖

陽春縣志

卷之六

禮儀

九

新生揖先進生將拜先進生辭新生起三揖分班相向各三揖先進生乃讀卧碑而講之次日新生赴縣謝

鄉飲酒禮

每歲正月望日十月朔日於儒學明倫堂行鄉飲酒禮先期一日執事者於明倫堂陳設坐次司正率執事者習禮至期昧爽宰牲具饌主及僚屬司正先至遣人速賓僕以下執事者報賓至主率僚屬迎於庠門外揖以入主東賓西三揖三讓而後升堂東西相向立贊兩拜賓坐及僕至如前儀

介俱至既就位執事者唱司正揚觶執事者引司
正山西階至堂中北向立執事者唱賓僕以下皆
立唱揖司正賓僕以下皆揖執事者以觶酌酒授
司正司正舉酒曰恭惟

朝廷率由舊章敦崇禮教舉行鄉飲非爲飲食凡我
長幼各相勸勉爲臣盡忠爲子盡孝長幼有序兄
友弟恭內睦宗族外和鄉里無或廢墜以忝所生
辭畢執事者唱司正飲酒飲畢以觶授執事者執
事者唱揖司正揖賓僕以下皆揖司正復位賓僕
以下皆復位乃讀律令執事者舉律令案於堂中

引讀律令者詣案前北向立唱賓僕以下皆立行
揖禮如前讀 復位執事者唱供饌案執事者舉
饌案至賓前 僕次介次主三賓以下各以次舉
訖執事者唱獻賓主起席北面立執事酌酒以授
主主受爵詣賓前置於席稍退贊兩拜賓答拜訖
執事又酌酒授主主受爵詣僕前置於席交拜如
前儀畢主退復位執事者唱賓酬酒賓起僕從
事者酌酒授賓 前置於席稍退贊
兩拜賓 交拜訖名就 執事者分左右立
賓衆 以下以 酌酒 執事者唱飲

酒或三行或五行供湯又唱酌酒飲酒供湯三品畢執事者唱徹饌候徹饌案訖唱賓僕以下皆行禮僕主僚屬居東賓介三賓衆賓居西贊兩拜拜訖唱送賓以次下堂分東西行仍三揖出庠門而退

凡鄉飲酒之禮知縣爲主位於東南大賓以致仕官爲之位於西北僕擇年高有德之人位於東北介以次長位於西南三賓以賓之次者爲之位於賓主介僕之後除賓僕外衆賓序齒皆東向各官序爵皆西向司正以教職爲之主揚

觶以罰贊禮以老成生員爲之

鄉約

縣之城內及大鄉村各設講約立約正一人選舉貢生員老成有學行者爲之值月三四人選樸實謹守者爲之置德業可勸者爲一冊過失可規者爲一冊值月掌之月終則告於約正而授於其次每月朔舉行先期值月約同鄉人夙興集講約俟約正及耆老里長皆至相見三揖以齒分左右立設案庭中值月北面立宣講

聖諭廣訓皆肅聽之講畢查鄉有善者衆推之過者糾之

約正詢其實狀無異詞乃命值月分別書之值凡
取記善冊讀一遍其記過冊呈於約正及耆老里
長默視竟仍附值月收掌事畢衆揖而退歲終則
校其善過彙冊報縣而懲勸之有能改者一體獎
勵

祀典

文廟

每歲以春秋仲月上丁日致祭先期承祭官率
祭各官齊赴

文廟觀樂省牲執事生員捧毛血座

陽春縣志

卷之六

禮儀

十二

聖殿後座畢禮生引承祭官至階下行一跪三叩首禮
畢各退至期子刻各官衣朝衣齊集行禮

正殿祭品

帛一 牛一 羊一 豕一 登一 鉶二

簠四 簋四 籩十 豆十 酒罇一

白磁爵三

四配祭品

帛四 豕一 羊一 鉶二 簠二 簋二

籩八 豆八 酒罇一 白磁爵各二

十哲祭品

帛一 豕一 鉶各一 簠各一 簋各一

籩各四 豆各四 豕首一 白磁爵三

兩廡祭品

帛一 豕一 每案簠一 簋一 籩四 豆四

銅爵各一

儀注

各官俱入兩旁門序立贊
引導承祭官至洗處贊盥洗畢引至臺階啟鼓

啟門樂舞生各就列執事者各司其事承祭官就

位分獻官陪祭官皆就位贊引就位承祭官就拜位

立典儀唱上香贊引承祭官詣神前迎神協律郎唱舉迎神

陽春縣志

卷之六 禮儀

十三

樂奏咸平之章跪叩承祭陪祭分獻各官俱行

唱奠帛司帛者捧帛從階下正行初獻禮協律郎唱舉

初獻樂奏寧平之章上進殿左門承詣

至聖先師孔子位前贊引跪奠帛承祭官接帛拱獻獻

爵執爵者以爵跪進承祭官詣讀祝位承

官詣讀祝位讀祝者捧祝跪承祭官跪典儀讀祝

讀畢三叩首興行分獻禮贊引分詣

復聖顏子位前分祭官就案跪叩興奠帛獻爵前皆如

獻爵畢行一跪詣

宗聖曾子位前如前儀詣

述聖子思子位前如前儀贊詣

亞聖孟子位前如前儀贊其十哲兩廡俱復位承祭分

位樂止行亞獻禮協律舉亞獻樂奉安平之章陞

壇獻爵如初獻復位承祭分獻官俱復行三獻禮

協律舉三獻樂奉景平之章陞壇獻爵如亞獻復

位承祭分獻官俱復飲福受胙贊詣受福胙位承

官至殿跪承祭官飲福酒承祭官受爵拱受福胙

承祭官受胙拱叩興承祭官三贊復位承祭官復位

徹饌協律舉徹饌樂奏咸平之闋送神協律舉送

神樂奏咸平之闋跪叩興承祭官及各官俱行三跪

陽春縣志

卷之六 禮儀

十四

唱司祝者捧祝司帛者捧帛各恭詣燎所捧祝至

各位前捧祝文在前帛次之俱送至燎所各望燎

官退至旁立候祝帛過仍復位立典儀唱望燎引各

協律舉望燎樂與送神同樂詣望燎所望燎引各

燎位立焚訖樂禮畢退

祝文乾隆九年部頒

惟

先師德隆千古道冠百王歷亘古以常昭自生民所未

有屬教洽文明之會正禮和樂節之時辟雍鐘鼓
咸恪薦於馨香泮水膠庠益致嚴於籩豆茲當仲
秋春祇率彝章肅展微忱聿將祀典以

復聖顏子

宗聖曾子

述聖子思子

亞聖孟子配尚饗

樂章

迎神樂奏咸平之章 無舞

大哉

至聖道德尊崇維持王化斯民是宗典祀有常精純並
隆神其來格於昭聖容

初獻樂奏寧平之章 有舞

陽春縣志

卷之六

禮儀

十五

自生民來誰底其盛惟師神明度越前聖絜帛

成禮容斯稱黍稷非馨惟神之聽

亞獻樂奏安平之章 有舞

大哉聖師實天生德作樂以崇時祀無斃清酤惟

馨嘉牲孔碩薦羞神明庶幾昭格

三獻樂奏景平之章 有舞

百王宗師生民物軌瞻之洋洋神其寧止酌彼金

罍維清且旨登獻維三於嘻成禮

徹饌樂奏咸平之章 無舞

犧象在前籩豆在列以享以薦既芬既潔禮成樂

備人和神悅祭則受福率遵無越

送神樂奏咸平之闋 燎同

有嚴學宮四方來崇恪 祀事威儀誰誰歆茲惟

馨神馭還復明裡斯畢咸膺百福

舞譜 存學內

崇聖祠

祭品

帛五 羊一 豕一 鉶一 簋一 簋一

籩八 豆八 罇一 白磁爵三

配位祭品

陽春縣志

卷之六

禮儀

十六

帛二 豕首一 簋一 簋一 籩四 豆四

豕肉 每位銅爵三

兩廡祭品

帛二 簋一 簋一 籩四 豆四 豕肉一

每位銅爵三

儀注同正殿惟無飲福受胙不用樂

祝文

乾隆九年部頒

惟 王奕葉鍾祥光開聖緒盛德之後積久彌昌
凡聲教所覃敷率循源而溯本宜肅明裡之典用
中守土之忱茲 仲春秋 聿修祀事以 先賢顏氏

先賢曾氏 先賢孔氏 先賢孟孫氏配尚饗

名宦鄉賢同日分祭前後行六叩首禮獻帛三獻

爵

名宦祝文 部 頌

卓哉羣公懋修厥職澤被生靈功垂社稷茲屆仲

春 秋 律薦明德

鄉賢祝文 部 頌

於惟羣公毓秀茲邦懿德卓行奕世流芳茲屆仲

春 秋 聿薦馨香

學宮土地亦同日祭前後行三叩首禮獻帛三獻

陽春縣志

卷之六 禮儀

十七

爵

土地祠祝文

惟 神職司下土靈妥饗宮亨通仕路暢翼文風

茲當仲 春 秋 馨薦攸崇

文昌神廟每歲定以春秋仲月初三日致祭 嘉慶七年 頌 行

特 祀

祭品

帛一 牛一 豕一 羊一 籩十 豆十

儀注

祭 贊 引 承 祭 官 進 盥 洗 畢 引 至 殿 內 行 執 事

者各司其事承祭官就位陪祭官皆就位上香司

者捧香立案前贊引承祭官先上炷迎神跪叩興

香復三上瓣香贊引復位典儀唱奠帛行初獻禮捧帛執爵者

承祭官各官俱行三奠帛行初獻禮各將帛執爵者

跪九叩禮立典儀唱奠帛行初獻禮各將帛執爵者

舉帛從正階上爵隨官先捧至桌前承讀祝讀祝

祭官行一跪三叩禮贊引至讀祝位讀祝讀祝

叩興承祭官行三叩禮贊引至讀祝位讀祝讀祝

行終獻禮執爵者照亞獻禮徹饌送神跪叩興承

官及各官行三跪司祝者捧祝司帛者捧帛各恭

九叩禮立典儀唱司祝者捧祝司帛者捧帛各恭

詣燎所詣望燎所引承祭官至望燎禮畢引祭

祝文嘉慶七年部頒

惟

陽春縣志

卷之六禮儀

神績著西垣樞環北極六匡麗曜協昌運之光華累

代垂靈爲人文之主宰扶正久彰夫感召薦馨宜

致其尊崇茲屆仲春秋用昭時祀尙其歆格鑒此精

虔尙饗

祭後殿三代祭品儀注帛各一豕各一羊各一籩

豆各八行二跪六叩首禮承祭官詣各案前上香

餘同前殿

祝文嘉慶七年部頒

祭引先河之義禮崇反本之恩矧夫世德彌光延

賞斯及祥鍾累代炯列宿之精靈功被千秋綿人

文之主宰是尊後殿用答前庥茲值仲春肅將時

事用申告潔 神其格歆

關帝廟每歲以仲春月及五月十三日致祭

祭品儀注與祭

文昌神同

五月十三日祭品帛一牛一豕一羊一果五盤後殿

不用牛
餘同

祝文 乾隆九年部頒

惟

帝浩氣凌霄丹心貫日扶正統而彰信義威震九州

陽春縣志

卷之六 禮儀

十九

完大節以篤忠貞名高三國神明如在徧祠宇於
寰區靈應丕昭薦馨香於歷代累徵異蹟顯佑羣
生恭值嘉辰遵行祀典筵陳籩豆几奠牲醪尚饗
祭後殿祭品儀注與祭

文昌神三代同

祝文 乾隆九年部頒

惟 公世澤貽庥靈源積慶德能昌後篤生神武
之英善則歸親宜享尊崇之報列上公之封爵
錫命優隆合三世以肇裡典章明備恭逢諏吉祇事薦
馨尚饗

社稷壇每歲春秋仲月上戊日出主於壇而祀之

祭品

帛一黑 豕一 羊一 鉶一 籩四 豆四

簋二 簋二

儀注同先農壇

祝文部頒

惟 神奠安九土粒食萬邦分五色以表封圻育
三農而蕃稼穡恭承守土肅展明禋時屆仲春秋敬
修祀典庶九九松栢鞏磐石於無疆翼翼黍苗
神倉於不匱尙

陽春縣志

卷之六禮儀

二十

風雲雷雨

山川

城隍共一壇每歲以春秋仲月上巳日合祭之 風

雲雷雨居中帛四 山川左帛二 城隍右帛

祭品儀注與社稷同

祝文乾隆九年部頒

惟 神贊襄天澤福祐蒼黎佐靈化以流形生成
永賴乘氣機而鼓盪溫肅攸宜磅礴高深長保安
貞之吉憑依鞏固實資捍禦之功幸民俗之殷盈
仰神明之庇護恭修歲祀正值良辰敬潔豆籩

陳牲帛尚饗

忠義孝友祠節孝祠

春秋有司致祭羊一豕一爵五行一跪三叩禮

忠義孝友祠祝文

部頒

惟靈稟賦貞純躬行篤實忠誠奮發貫金石而不
渝義問宣昭表鄉閭而共式祇事懋彞倫之大性
摯莪蒿克恭念天顯之親情殷棣萼楷模咸推夫
懿德

綸恩特闡其幽光祠宇惟隆歲時式祀用陳樽簋來格
几筵尚饗

陽春縣志

卷之六

禮儀

二十一

節孝祠祝文

部頒

惟靈純心皎潔令德柔嘉矢志完貞全閨中之亮
節竭誠致敬彰壺內之芳型茹冰蘖而彌堅清操
自勵奉盤匝而匪懈篤孝傳徽

絲綸特沛乎殊恩祠宇昭垂於令典祇循歲祀式薦尊
醪尚饗

厲壇每歲清明日七月望十月朔迎 城隍神
位於北郊正面兩旁設無祀鬼神位分祀之羊
三豕三飯米三石香燭酒紙隨用

告城隍文
及祭厲文存

縣禮房
茲不載